

TIONG HUTAN
Jungle Myna

FAMILI: Sturnidae
NAMA SAINTIFIK: *Acridotheres fuscus*



CIRI-CIRI

Spesies ini biasanya ditemui dalam kumpulan dan di habitat yang terbuka. Individu dewasa bagi spesies ini hampir sama dengan White-vented Myna (*A. grandis*), tetapi bahagian paruh berwarna perang kekuningan dengan bahagian pangkal yang sedikit kebiruan. Mata berwarna kuning dan jambul adalah pendek. Pada bahagian atas sayap, terdapat tompok putih dan bahagian bawah sayap pula berwarna kelabu.

SAIZ

Panjang keseluruhan bagi individu dewasa adalah di antara 24.5-25.0 sm. Berat 94-95 g.

MAKANAN

Serangga, buah-buahan dan ada sesetengahnya bersifat omnivorus.

HABITAT

Kawasan terbuka yang kering dan berumput, kawasan berdekatan hutan paya bakau dan sungai, kawasan pertanian dan kawasan tanah pamah sehingga ke ketinggian 1, 525 m dari aras laut. Lokasi spesies ini boleh ditemui adalah sangat meluas dan sangat mudah ditemui di sekitar kawasan kediaman di kampung dan juga bandar.

BUNYI

Spesies ini mengeluarkan bunyi *tiuck-tiuck-tiuck* dan *tchieu-tchieu* yang bernada tinggi.

PEMBIAKAN

Musim pembiakan adalah di antara bulan Februari hingga Julai dan biasanya secara berkeloni. Individu betina boleh menghasilkan 3-6 biji telur berwarna biru laut yang berkilat. Sarangnya sangat ringkas yang dibina pada lubang pokok, puncak pokok palma, di kawasan berbatu dan pada bangunan.